



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and Youth

Broj: 11/07-14-27923-12/20
Sarajevo, 02.09.2020. godine

SLUŽBA ZA SKUPŠTINSKE POSLOVE
- O V D J E -

ZASTUPNIČKA INICIJATIVA:

Zastupnik Senad Hasanović na 27. Radnoj sjednici Skupštine Kantona Sarajevo, održanoj dana 28.07.2020. godine, u okviru tačke Dnevnog reda: „Poslanička/zastupnička pitanja, inicijative i odgovori“, a u skladu sa članom 213. Poslovnika Skupštine Kantona Sarajevo pokrenuo zastupničku inicijativu prema Vladi Kantona Sarajevo da razmotri mogućnost nabavke prečistača zraka za sve osnovne i srednje škole u Kantonu Sarajevo.

ODGOVOR:

Imajući u vidu aktuelnu epidemiološku situaciju, kao i stanje kvalitete zraka u Kantonu Sarajevo tokom cijele godine, a posebno u zimskom periodu Ministarstvo za obrazovanje, nauku i mlade Kantona Sarajevo podržava ovu inicijativu.

U Kantonu Sarajevo egzistira 105 osnovnih i srednjih škola kao javnih ustanova koje pohađa cca 52000 učenika u cca 2500 odjeljenja. Ako se uzme u obzir da se u većini škola nastava odvija u dvije smjene, potrebno je nabaviti prečistače zraka za cca 1500 učionica. Cijena pojedinačnih prečistača, za prostore do 60m², na tržištu se kreće od cca. 500 do 1.000 KM, što znači da bi za nabavku prečistača, za sadašnje kapacitete, trebalo u budžetu Kantona Sarajevo izdvojiti sredstva u iznosu od cca 750.000 – 1.500.000 KM. Ovdje treba napomenuti i nabavku prečistača za sale (105), svlačionice (2x105), biblioteke (105) te zajedničke i administrativne prostorije u objektima osnovnih i srednjih škola. U zavisnosti od vrste nabavljenih prečistača, bilo bi neophodno odobriti i dodatna sredstva u budžetima ustanova za nabavu zamjenskog potrošnog materijala (filteri i sl.) i održavanje istih.

Ministarstvo za obrazovanje, nauku i mlade Kantona Sarajevo nema odobrenih sredstava za ove namjene, ali se dio sredstava može iskazati u zahtjevu za sredstva iz Budžeta Kantona Sarajevo za 2021. godinu. Ukoliko Skupština Kantona Sarajevo usvoji tako kreiran Budžet Kantona Sarajevo za 2021. godinu Ministarstvo za obrazovanje, nauku i mlade može krenuti u pripremu, izradu i realizaciju projekta „Nabavke prečistača zraka za sve osnovne i srednje škole u Kantonu Sarajevo“.

Takođe pri realizaciji ovog projekta trebalo bi uzeti i u obzir i predškolske ustanove, što bi značilo povećanje potreba za cca 200 učionica.



Dostaviti:

1. Nalovu
2. Stručna služba Vlade Kantona Sarajevo
3. Sekretar Ministarstva za obrazovanje, nauku i mlade Kantona Sarajevo
4. Arhiva

